

BODO

(Compulsory)

Time Allowed : Three Hours

Maximum Marks : 300

INSTRUCTIONS

Candidates should attempt ALL questions.

The number of marks carried by each question is indicated at the end of the question.

Answers must be written in Bodo (Devanagari Script) unless otherwise directed.

In the case of Question No. 3, marks will be deducted if the précis is much longer or shorter than the prescribed length.

1. गाहायाव होनायफोरनि जायखि-जाया मोनसेनि 300 सोदोबजों रनसाय लिर : 100
- (a) आइनआ मानरैखा सिथारनायखौ होबथानो हायो ने?
- (b) आदार गलाइमोनदेरनि गिनांथाव
- (c) खोमसि फोथायनाय बनाम जुगथिबाद
- (d) सोलोथाइ आरो समाजारि सोलायथाइ
- (e) खौरां मोनथाइ आइनआ साखोन-सिखोन आरो थार खुंथाइनि रदाइ होनो हायो ने?

2. गाहायनि बाध्राखोन्दोखौ फरायनानै रोखा, नंगुबै आरो सुंद' रावै
फिन हो :

10×6=60

सौरगोहो, जाइ गोहोआ गासै गोदान दाथायनि बाहागो, गोजाम
इन्दननि साआव सोनारनायखौ बाडाइ खालामनायानो जौनि
मोनसेल' राहा। गोजाम इन्दनआ एसे समनि थाखाय बांद्राइ बेसेन
आरो मोननो गैथि जानानै फैदों। सौरगोहं बाहायनाया जौनि बुहुम
ग्रहनि सोरदिथायारि समानथि आरो 'ग्रीनहाउस' गोहोमखौ
खमायनायनि मोनसेल' राहा। सौरगोहोनि गोनांथार गुनफोर
थासेयावबो दासिम्बो बेखौ गुवारै बाहायनाय जायाखै एबा गोजाम
इन्दननि उलथा महराव आजावनाय जायाखै। बेयो
'टेकन'लजि'जों नांजाबफानायनि थाखाय गोबां बेसेन गोम्लैयो।
थेवब्लाबो "टेकन'लजि"आव जुगामि जौगाथाइ फैगासिनो दं
जायनो बेसेन खमाइहोदों आरो लासैयैब्लाबो बेखौ बाहायथावनि
रोखा खालामदों। सरखारजों गायसं जानाय जवाहरलाल नेहरू
नेशनल सौर मिसनआ बे बिथिआव मोनसे हमनालाजाथाव आरो
गोहोनि रोखा फुंखा।

सौरगोहोआ साखि सोरजिथायनि बिथिआव मिजिफारिनाय
लाबोयो। बेयो थावनि बिजिरसंनायाव गोबाडैनो बाहायो आरो
साखिनि बिथिआव गोजौ आरो जुनियारोखोमै सोरजिथाइ लाबोयो।
गोहो दिहुनथाइआव भारतआ बुहुमावनो द'थि थावनिआवब्लाबो
दासिम्बो गोथौ बिदुं आंखालाव दं। सौरबिदुंआनो बिदुं आंखालाव
खोख्लैयो। बेयो आबुडै सोरदिथायारि खान्थि दागोन आरो बिदुं
सोरजिथायनि बिथिआव हमथानाय लाबोगोन। आथिखालनि
बांसिन हास्थायगिरि सौर थामोनथाइ आरो बांद्राइ जोनथोरारि महर
होनाय खान्थिआव दं। गोदान आदबनि बुदिजों दिहुनथाइ
बांहोनायनि जोहै खान्थि बेसेननि खमायहोनाय आरो सौर बिदुंनि
बेसेन खमायहोनायनि गेजेरजों बे दामिनखौ जौगाखांहोनायनि
गोनांथि दं।

(a) जों गोजाम इन्दननि साआव सोनारनायखौ मानो
खमायनांगौ?

- (b) सौरगोहोनि बाहायनायनि मुलामफाआ मा?
- (c) सौरगोहोनि बाहायनाया दासिम मानो सुबुं अनसायनाय मोत्रो हायाखै?
- (d) सौरगोहोखौ सासाबुसानि खाथिआव लाबोनो थाखाय मा मा राहा लानाय जादो?
- (e) जौनि लाइमोनफोरनि थाखाय गोजौ गुनगोनां आदबनि हाबाखौ सौरगोहोनि जोहै माबोरै मोननो हागोन?
- (f) बाडाइ खरसनि सौरगोहोखौ माबोरै मोत्रो हागोन?

3. गाहायाव होनाय बाथा बाहागोनि मोनसे सान्दोब (précis) गुबैथिनि थाम बाहागोसे ($\frac{1}{3}$) गोलावै लिर। बेव बिमुं होनायनि गोनांथि गैया। बे होखानाय सोदोबनिखुइ गोलावसिन एबा सुंद'सिन जानो नाडा, नडाब्ला नम्बर दानख'नाय जागोन। आलादायै होखानाय बिलाइआव बे सान्दोबखौ लिर आरो फिनसुजाबाव सान्दोब (précis) नि बिलाइखौ मोजाडै खाथाबना हो : 60

आरिमुनि जुनिया बिदिन्थाखौ बेखेवसारना होनांगौब्ला थारैनो बेनि गोजाम बिदिन्थानि सिमाखौ बोखारनांगोन आरो गोजाम सानलावरिनि सिमा आरो गोसोआरि दहंखौ फोसाबना लानांगोन। जिउआ मोनसे बोहैथि दाहार। बेनि खारथाइआ सोमावसारनायजौ गोख्रैसिन जायो जेब्ला सोलायथाइआ गोख्रौ आरो थार जायो। बिब्दि समाव समाजारि गोनांथिफोरा दावगाफु हारिमुआरि जोनोम मोनथाइनि थाखाय सौग्रावलायनाय लाबोयो मोनसे रोखोमै गोजाम दहं आरो गोदान जेना जोनोम होयो। गोजाम हारिमुनि मददगिरिआ सोलायथाइनिफ्राय एरायखेना नारानाथा नाजानायनि गेजेरजौ गावनि थावनि बानायना लानो सानो, बिसोर गावसोरखौ खान्थियारि बेसेन सानसि आरो सोदोमसिनि रैखागिरि होत्रा फोसावना लायो आरो गोदानै फैनाय गासै दाहारखौ होवथानो नाजायो। बिसोर सोलायथाइनि मददगिरि जानो लुबैया—बिसोर गोजाम मान आरो

खान्तिखौ मानिना सोलिया। समाजारि सोलायथाइनि गासै महरआ मोनसे हारिमुआरि गिबि महरखौ हास्थायो जायनो गावनि गोनांथिखौ गावनो बुंथिना लायो जैरै गोजाम जुगाव रनसायनाय जादोंमोन, आथिखाल गोदान गोहो आरो गोदान आदब-खायदाजों बाहायनाय जायाखै आरो गावनि बेसादआरिआव गोदान आदर्सखौ रिफिहोनो हायाखै। बे बिथिआव गोजाम हारिमुनि मददगिरिआ हारिमु बेरेखा आरो एरैबाइदि सोदोमस्निनडि बिथिखौ गोबाना लायो जाइनो मोनसे समाव गावनो नागारनाय आरो बांसावनाय हाबा मावदोंमोन। जेब्ला मोनसे गोहोआ गावगाफु नडा अब्ला बेयो दबथायगिरि जायो। गोदान समाजआनो हारिमु आरो बिगियाननि गासै आयदाआव आरिमुगिरिखौ अराइ जौगानायनि खाबु होनो हायो।

दानि दाथाय समाजनि थाखाय जिउनि लामाआ बायफ्लेजिफ्ले जाबाय जेराव मोनफ्रोम्बा दालाइनि मावनाय दांनाया सासेनिफ्राय गुबुननिआ आलादा, सानथौगिरिनिफ्राय बिगियानगिरिआ आलादा, आरिमुआरिआ सोरदिगिरिनिफ्राय आलादा आरो सासेजों लोगोसे गासै बोखावजायि जिउनि गेदेमा मोन्दांथि जेनाजेंगोनानिफ्राय आलादा जालांबाय जेब्लानो मोनफ्रोम्बो गोमोथाव समाइना आरो आबुंथिनि हांखोखौ जथायफिनो। दिन्थि महरै दासान्दि जुनथिआरि जोनथोरआबो गोब्राव सानखान्थियारि हांखोफोरावबो बिसगोनां बार आरो उखुन्दै बिरफुंनाय आरो आबेगगैयि बिफा होन्ना सान्नाय जाया बिसोरखौ बाडाइ महराव गाहायनि हा आरो गोजौनि अस्त्रां बाइदि सान्नाय जायो, जैरै गोजाम सल' बाथाफोराव रोंसारथि आरो जिउनांथिनि दावगालु आरो फावखुंगुरारिमिरुखौ सिमान जानाय जायो। जुन्थिआ आथिखाल सुबुं मोदोमखौ साग्लोबबाय। बेफोर बुडो दि सुबुंआ मिथिगानि गासै बेसादारि आयदाखौनो जै खालामनो हाबाय, बियो थाथौफोरनि सायाव देरहासार दावबायनाय जाफुंसार होबाय। बे दावहाआ सुबुंआ जेसेबां गोजाम एसेबां। बे सौग्रावलायनाया समाइनाजों आबुं, लय, देंखोमु आरो रंजानायजों आबुं जानाय।

सुबुंआ गावनि गोहो गोलोनदांनि थाखाय जुन्थिखौ गावनि सायावनो बिगुमाथाइ दिन्थिनो सानो अब्ला बेयो जोनथोरनि गोरोन्थि नडा जायखो सुबुंआ गावनो सोरजिदों, गावनो बानायदों आरो फोजोबसांदों। गुबुनखौ निन्दा खालामनाया सुबुंखौबो मन'ग्लाबो। रेदिअ'आ सुबुंनि खाखोरनि रिसार फोसावगिरि, टेलिफ'नआ बेनि खोमानि, बिरग्रादिडाआ बिरायनायनि आरो खारफुनाय गामिआरि मोसौ गारिआव खनथाइआरि बिसार गैया। बेयो सुंद' हारिबासिनाय खान्थिल'। नांगोलआबो अराइ जुगामि दिहुनथाइ जेरै दानि ट्रेक्टर। गोदान मावफारिखौ दानायाव सुबुंनि जोरसुमा रोंसारथाइखौ जोगारनाया समाजारि सोलायथाइनि खान्थिखौ जोगारनाय जायो, आरो रावबो नंगुबै रिंगुदामसा आ बिब्दि जोगारजानायनि हाबा मावनो हाया। “सासे रिंगुदामसाआ जिउआरि दिहुननाय बाइदि दिहुनो” बिब्दि मानिजाथाव मुंदांखा मेक्सिकान आरिमुवारि रिबेरा दियेग'आ बुंदों—“जेरै फांसे बिफांआ बिबार आरो फिथाइ जोनोम होयो आरो माइथायाव बिलाइ सिरिनायाव गावनो रोडा, मिथिनानैबो बोथोरसफैब्ला फिर बिबार बारगोन आरो फिथाइ थायगोन।” आरिमुखौ मा सावगारि आखिनो नाडा, मा जानो हागौ सान्नो नाडा एबा बाडाय जाहोनो नाडा, हाथास जाहोनायफोरनि जेन्नायखौ महर गुस्लायहोनानै जाफुंसार होनो नाजानांगौ।

4. गाहायनि बाहागोखौ बर'आव राव सोलाय :

20

The world does not need extraordinarily talented people. It does not need highly skilled people either. It has plenty of super-intelligent people. We need ordinary people with extraordinary motivation. M. K. Gandhi was an ordinary man with amazing motivation to establish truth and justice. The Wright brothers were ordinary people with a dream of flying.

You can also achieve exceptional results if you are inspired with a higher ideal. Replacing 'inspiration' with 'information' has led to knowledge being viewed as drudgery rather than as pleasure. Education has degenerated to data being transmitted from teacher to the taught without igniting the minds of the young with a higher purpose.

How many of us wake up inspired, looking forward to a day of service? Who among us finds exhilaration in contributing to society? Life changes magically from boredom to excitement when you are inspired to serve. You redefine norms and achieve the impossible, paving the way to outstanding success. You find happiness at work, not in escaping from it. Most importantly, you evolve spiritually and attain Godhood.

Inspiration gives ordinary people the courage and hope to make life better for themselves and for the posterity. Find inspiration and life will transform into an exciting adventure of self-discovery.

5. गाहायनि बाहागोखौ इंराजीआव राव सोलाय :

20

दिनै बिगियाननि समाजारि बिबाननि सोमोन्दै बुंनो थानानै आं
बैफोर बेसादनि सोमोन्दैबो बुंगोन जाय लाइमोन बैसोनि थाखाय
हास्थायथावि गोर्ले नाथाय गेदेरबैसोनि मानसिनि थाखाय बुजिनो
गोब्राब। बेयो बेनिथाखायनो दि लाइमोन मानसिआ मोनसे गुननि
बिगुमा जाय सरासनसायै माखासे बोसोरनि उनाव लोरबां जालाडो।
बेयो जादो सानलावरि नि गुन। सानलावरिआ बिब्दि गुन जाय
बिगियाननि एंगारहायि बाहागो आरो थार महराव लाइमोनफोरनो
होनाय जादो। दुखु नांथाव बाश्नाआ बेनो दि देरफुनाय बैसोजो

समान बेयो रानजिलाडो। थेवबो बेयो एरैबाइदि गुन जायखौ जोंनि संसारनो गोबां दावबायनायाव गोनांथार जानानै फैयो।

थानाय थाम जौथायनिफ्रायनो बिगियाननि आगानआ समाजाव गावनि गोहोम खोख्लैदों, नाथाय बाडाइ महराव सुबुंफोरा बेखौ सानाखैसैदि जोंनि बुहुमखौ बियो माबोरै गोहोम गोल्हैहोदों, बिसोर बेनि सांग्रांथिबो जायाखैसै। निउटननि समनिफ्रायनो सुबुंआ मिथिबाय दि उद्यगनिफ्राय जायफोर बिगियाननि दावहाफोरआ सोनारदों बेयो गोबां आराम आरो मुलामफानि थाखाय जानानै फैयो। अब्ला सुबुंफोरा मिथिनो उथुजुब जाबाय दि बिगियाननि गोहोमाव बानायनाय मुलिफोरनिफ्राय गोलाव जिउ थानानै थानो हायो।

लिउनादों छ भिनसीनि समाव सुबुंफोरा बाख्यायदोंमोनदि बिगियानआ दावहायाव देरहासार जानायनि बेसादारि हेफाजाबगिरि जानो हायो। सम गुरस्लायनाय लोगो लोगो उद्यगआरि बेसादफोरनि जौगानाय लोगो लोगो दाबिनाया गोख्रोंसिन जानो हमदों, बारानिफ्राय बारा सुबुंआ बिगियान आरो टेकन'लजि रोंग'सार जाबोनो हमबाय।

6. गाहायनि बाथ्राफावफोरनि जार्यखि-जाया मोननैखौ बेखेवनानै

लिर :

20×2=40

- (a) अमानो आदार होयो नावद्राबो बुयो।
- (b) गोजौआव मुजुब्ला गावनियावनो गोल्हैयो।
- (c) दाउसा ओंखारनायनि सिगां दाउदैआ थाबायो।
- (d) बंफां सायाव मोफौ गाहायाव बाहागो।
- (e) हिस्त्रि हिआ सिबाआव गोसोनि खोथा गोबोंआव।
- (f) दाबा गोदानआ सानथाम हिनजाव गोदानआ दानथाम।
- (g) सिखावनि सालाइआ खान्दा।

★ ★ ★

